

Jejebu, Sejarah
Perlembagaan Adat
dan Istiadatnya

Oleh.

KALAM TERJALI.

Jejebu, Sejarah
Perlembagaan Adat
dan Istiadatnya

Oleh .

KALAM TERJALI .

PENDAHULUAN

Dengan inayah Tuhan Yang Maha Kuasa dapat-lah di-susun buku kecil ini kepangkuan saudara2 yang meminat sejarah Luak Jelebu. Sa-sungguh-nya buku yang di-beri nama Jelebu, Sejarah, Perlembagaan Adat dan Istiadat-nya' ini ada-lah sama sekali jangan di-anggap sabagai authority atau lain2-nya, ha-nya buku ini sabagai satu sumbar bacaan sejarah sahaja.

Selain dari tujuan menchatetkan sejarah yang di-sebarkan dari mulut ka-mulut sahaja maka buku ini sekarang sekurang2-nya sabagai bahan penyiasat bagi mereka menyelami lubok sejarah kampong halaman-nya.

Buku ini saya karang dan susunkan dengan mendapat bahan2 dari perchakapan mulut, keterangan yang di-beri bersendirian oleh orang tua2 dan buku2 chatitan mana2 yang terjumpa.

Sidang pembaca yang mulia, saya mendahului menghulorkan tangan memohon maaf di-atas segala kesilapan2 yang akan di-temui dalam masa membaca nanti, anggap-lah kesalahan2 itu sabagai yang tidak di-sengajakan dan kebetullan jua, sempena Tabal Undang Jelebu hari ini. Bersama2-lah kita membaiki-nya buat masa akan datang ini.

Kuala Klawang,
4hb. November, 1967.

Salam hormat dari,
Penyusun,
KALAM TERJALI.

BAB V

PESAKA WARITH YANG TIGA DAN WARITH2 LAIN2 JUGA

Pesaka Warith yang tiga ia itu yang complex juga ia-lah Jawatan Dato' Mendika Menteri Akhirulzaman Undang Luak Jelebu telah di-sandang tidak putus-nya dari zaman Dato' Undang Moyang Saleh hingga kahari-ini daripada mereka2 yang berhak menerima pangkat itu. Maka ada-lah mereka yang di-lantek jadi Undang Jelebu itu dari dahulu lagi telah di-tetapkan aturan-nya ia itu di-pileh bergeler2 daripada orang2 yang dalam tiga warith di-namakan Warith berundang ia itu ia-lah warith Ulu Jelebu, warith Sarin, dan warith Kemin. Dua warith yang kemudian itu telah di-masokkan boleh menyandang ia-lah dengan persetujuan muafakat kemudian-nya, kerana tatkala mula2 dahulu ia-nya-lah warith Ulu Jelebu sahaja yang telah menyandang mengadakan Undang empat orang berturut2, tiada daripada warith lain lagi. Jadi-nya warith yang tiga ini ada-lah tampok-nya satu juga ia itu warith Ulu Jelebu dengan jalan semenda menyemenda maka jadi-lah dalam perbilangan-nya hendak menchabut pun dengan kebulatan dan menambah pun dengan kebulatan juga, maka ada kebulatan warith itu maka lalu di-persetujui sahaja-lah. Dengan ini mereka ada-lah dalam perbilangan-nya Sa-warith sa-pesaka sa-aib sa-hina sa-sopan. Ka-bukit sama di-daki, lurah sama di-turuni, chichir sama rugi dapat sama laba.

Pesaka bagi tiap2 warith ada juga menunjokkan keterangan-nya berkenaan cherita sejarah luak ini. Pesaka warith menteri ia-lah Subang Kayu Arang; Pesaka Warith Ulu Jelebu ia-lah Subang Gading dan Sumpitan Kayu Beberas dan Sigar Jantan. Pesaka Warith Sarin ia-lah Pedang Memanchong dan pesaka warith Kemin ia-lah Destar Berkabong, Keris Bertatah serta Changai Putri. Warith Ombi sahaja yang ta' ada keterangan berkenaan pesaka mereka ia-nya tersebut jawatan-nya itu sahaja. Sungguh pun kita tidak mengetahui permulaan asal-nya warith Sarin dan warith Kemin oleh sebab lambat-nya mereka menyandang Pesaka Undang Luak Jelebu itu ada-lah jelas; asal-nya satu juga. Dengan persemendaan yaani nikah kahwin sa-orang warith dari warith Ulu Jelebu dengan sa-orang orang warith Ombi atau menteri yang dudok di-Sarin maka di-beri-lah mereka itu Pesaka yaani jadi warith Sarin dan bagitu juga-lah akan permulaan Warith Kemin itu dengan diffusi perkahwinan dan juga persetujuan dan persetiaan segala warith2 itu supaya Pesaka mereka jangan hilang oleh pupus Zuriat mereka kelak. Kita boleh menganggap dari kenyataan ini ia itu pesaka2 mereka yang dua itu mengandongi barang2 unsor2 Melayu dan berbedza dengan hak2 kepunyaan warith Ulu Jelebu dan warith menteri yaani barang2 unsor Biduanda Jakun menyatakan yang hak2 mereka itu ada-lah baharu juga yaani di-zaman Biduanda Warith juga.

Sekarang kita mengambil perhatian akan senarai salasilah Undang Jelebu dan ada tersebut dua nama2 ketua2 biduanda menunjokkan mereka itu berasal satu juga. Dua nama2 lagi yang telah tersebut di-atas jadi ketua mereka ia itu Lambong Setia Raja, atau Batin Mahagalang, Jenang Singa Raja Setia, ada-lah mereka memerintah di-zaman sa-belom menganut adat Perpateh yang sepenoh-nya. Zaman Moyang Angsa berkahwin dengan Dato' Gombak, Moyang Acheh berkahwin dengan Dato' Mentunggang ia itu-lah zaman-nya orang Melayu Minangkabau datang mengembangkan Adat Perpateh ka-daerah pendakman ini melalui Langkap dan bermasyarakat dengan menyemenda di-Ulu Jelebu sabagaimana kesah-nya dahulu itu. Lalu di-beri-nya nama warith Ulu Jelebu akan warith yang di-kahwini-nya itu. Akan keturunan-nya warith ini-lah ia itu Moyang Saleh yang pertama sekali menyandang Pesaka Undang itu dengan

I. SUKU TANAH DATAR.

GELARAN LEMBAGA-NYA DATO' CHINCHANG MAHARAJA LELA.

Perut mengikut Geler.	Perut Tembun	Perut K-Klawang	Perut Kg. To' Bujang
Buapak	Tok Juan	Tok Akim	Tok Sutan.
	Dagang	Tuang	Tanggoh
	Maali	Kadir	Wahid
	Pileh	Timbang	Ali
	Hj. Jalil	Sidek	
		Tahir	
		Sakar	
		Ujang	

lain daripada dato' yang lapan ini ada beberapa dato' lain lagi yang menjadi Tuang kumpulan mereka pula seperti:-

Dato' Amar Penghulu. Lembaga Suku Biduanda Ulu Klawang dahulunya termasuk dalam lengkongan Luak Sungai Ujong.
 Perut: mengikut geleran-nya ia -lah Rambai Baris
 Tanjong Berangan
 Kg. Bukit Peraduan

2-nya di-gilirkan mengikut kata adat-nya di-hadapan penghulu-nya jika Penghulu-orang Rambai Baris jadi Tok Menti di-beri oleh orang perut Tanjong Berangan itu-lah seterusnya ka-Kg. Bukit Peraduan juga mengikut geleran-nya sahaja.

Dari Suku Tiga Batu. Dato' Lela Angsa. (Bekas ayer kaki Yamtuan Jelebu di-hapuskan sa-lepas-nya lenyap Yamtuan Jelebu.)

Tambahan gelaran Dato' Shahbandar itu ada-lah "Puchok Bulat Warith di-ayer, puan segala dagang. Dengan ini maka dari samentak dahulu lagi telah ada beberapa Dato'2 yang mewakili beberapa kumpulan orang dagang di-bawah tabirannya seperti yang berikut:-

Dato' Sura	Tua Orang Rembau.
Dato' Sati	Tua Orang Pilah.
Dato' Muda	Tua Orang Pahang.
Dato' Empat	Tua Orang Minangkabau.
Dato' Setia Ampat	Tua Orang Jawa.
Dato' Dagang Jambi	Tua Orang Jambi.

Di-bawah dato'2 yang tersebut di-atas tadi ada beberapa buapak pula seperti telah di-sebut itu. Mereka ini ada-lah menjadi pengawas sesuatu perut dalam atau warith-nya itu dalam penyelenggaraan adat. Ia-nya ada-lah berkewajipan jadi penolong kepada tua suku atau warith-nya di-dalam hal dan urusan penyelenggaraan dan taburan adat. Kesemua jawatan di-dalam adat perpateh ada-lah leh. Ini berdasarkan pusaka dan geleran. Dasar pusaka itu ada-lah menurut dasar hak warisan itu.

gelaran yang penuh ia itu Dato' Mendika Menteri Akhirulzaman, sa-telah mengadap ka-Johore oleh menchari Adat berani kerana benar maka ia di-anugerahi dengan Mohor Serta Kebesaran oleh Maharaja Johor seperti tersebut kesah-nya dahulu itu.

Mengikut kenyataan yang di-dapati pada Mohor Jelevu itu ada-lah Anugerahan itu di-beri oleh Tengku Abdul Jali V Tengku Besar dan Sultan Johor. Bila balek ka-Negri Sembilan ia memberi tahun Undang yang lain2 ia itu Jelevu telah berputus Beraja ka-Johor, dan memaalomkan pemberian Sultan itu kapada-nya, tetapi ia menolak kata-nya ia ta'mahu jadi Sultan kerana ia bukannya keturunan Raja jadi kata-nya perentah-lah luak masing2 jadi Dato' Undang dan raja juga. Maka semua Undang pun bersatuju atas chadangan Dato' Undang Jelevu itu lalu mereka pun bersurai daripada perjumpaan itu ia itu di-pondok Dato' di-tempat yang sekarang terkenal dengan nama Bukit Putus.

Di-zaman dahulu sa-belom ada-nya pemerintahan yang berperatoran ber-kerajaan seperti hari ini, di-Jelebu Luak ini terbahagi sabagai berikut. Warith Ulu Jelevu mempunyai Ulu Jelevu, Langkap dan Jenam anak Sungai Jelevu, Warith Sarin mempunyai Sungai Sarin, Pah dan Relai semua-nya bersatu dengan Sungai Teriang sa-lapas tiga batu di-hilir Kuala Jelevu; Warith Kemin mempunyai tempat yang bernama Kemin, lebeh kurang dua batu di-hulu Sungai Klawang dari Kuala Jelevu dan juga tanah dekat Sungai Teriang lebeh kurang suku batu di-kiri kanan kampung Bemban sekarang ini. Yang sa-benar-nya tanah2 yang di-punyai oleh ketiga2 warith berundang itu ha-nya-lah lurah2 kechil yang di-duduki oleh warith2 itu seperti perbilangan-nya "Tanah sawah yang berjajang lembaga yang punya". Mengenai warith menteri dan Ombi hak-nya berlainan pula. Tanah mereka bukan-nya lurah2, tetapi ia-lah banjaran bukit2. Pada warith menteri pergi-nya Bukit Kundek, Bukit Buhai dan Permatang Galengga dan juga dua batang sungai ia itu Sungai Lemi dan Sungai Kenaboi, kapada warith Ombi, Bukit Gubang Gabing, Bangkang Gading, Lebah Bergoyang, Moyang Kaban, Mempelas dan Sungai Tinggi dan Gelami. Bukit Kundek ia-lah di-Ulu Kenaboi dan Galengga barangkuli sama-lah galengga yang sekarang itu juga. Bukit Lebah Bergoyang ia-lah di-hulu Teriang dekat Gapau. Bukit ini dengan lurah-nya termasuk-lah semua daerah Jelevu di-utara Sungai Teriang.

Jika di-teliti maka ada-lah perhubungan persemendaan orang2 Melayu dengan Perempuan Biduanda Jakun tidak dapat di-nafikan kerana cherita2 orang2 Melayu mau pun orang2 mantera ada menerangkan keterangan itu. Ini bersesuaian dengan cherita2 orang Melayu juga ia itu Dato'Ombi, Bata atau kesu yang Pertama di-angkat oleh Dato' Undang Moyang Saleh ia-lah sa-orang dari Perut Larong dari warith ombi suku biduanda sasilah. Boleh jadi ia-nya ada-lah chuchu laki2 Galang dari sa-orang anak perempuan-nya dan suami-nya sa-orang Melayu. Mengikut cherita-nya tentang barang2 pesaka di-Jelebu ada pula tersebut yang bernama Sendok Keluang menyatakan tua-nya benda2 itu, ia-lah sekarang sa-buah batu 'Ajaib di-Teriang dan Sigar Jantan tersebut dahulu ia-lah sa-bilah Keris ia itu Pesaka Warith Ulu Jelevu dan juga ada hubungan-nya dengan Puaka bernama "Biring Berkiling" yang menyediakan nasi sa-dulang untuk Maho Galang di-Kuala Dulang itu ada-nya.

Ada pun mereka2 yang telah di-lantek moyandang Pesaka Undang itu ia-lah seperti berikut dengan Gelaran Dato' Mendika Menteri Akhirulzaman Sultan Jelev (Undang Luak Jelevu) Seperti berikut:-

- | | |
|--|-------------------------|
| 1. Dato' Mendika Menteri Akhirulzaman, | |
| Dato' Moyang Saleh. | dari Warith Ulu Jelevu. |
| 2. Dato' Bukur. | " Warith Ulu Jelevu. |
| 3. Dato' Bakul | " Warith Ulu Jelevu. |

4. Dato' Yunus	"	Warith Ulu Jelebu.
5. Dato' Lub (Kulup)	"	Warith Sarin.
6. Dato' Deraman	"	Warith Kemin.
7. Dato' Durongga (Dato' Gajah, Tua atau Dato' Gila)	"	Warith Ulu Jelebu.
8. Dato' Pandak	"	Warith Sarin.
9. Dato' Mahmud (Kulup Tunggal)	"	Warith Kemin.
10. Dato' Hj. Ibrahim.	"	Warith Kemin.
11. Dato' Syed Ali bin	"	Warith Ulu Jelebu.
12. Dato' Abdullah bin Panglima Mudo Luk	"	Warith Sarin.
13. Dato' Shahmaruddin bin Abdul Rahman	"	Warith Kemin.
14. Dato' Abu Bakar bin Moammar	"	Warith Ulu Jelebu.
15. Dato' Musa bin Wahab	"	Sarin

Warith Kemin mengadakan Undang-nya dua kali berturut2 itu ia-lah oleh sebab Dato' Mahmud itu sabentar sahaja jadi Undang ia pun terpechat lalu di-buang ka-Pahang oleh sebab banyak kelakuan-nya yang di-dapati salah oleh adat terutama sakali kerana ia menyimpan sa-orang perempuan China di-bawa-nya dari Rembau jadi Gundek-nya.

Sekarang jelas-lah sudah ia itu apa yang di-warithi oleh pihak2 yang berkenaan Pesaka di-Jelebu itu ia-lah Jawatan dalam satu2 warith itu yang maseh ada hingga ka-hari ini. Untuk mendapat-nya misti-lah daripada pihak yang berhak sahaja dan juga di-pilih dan di-siasat tentang adat-nya saperti Dahaga Dahagi, Sumbang Suiit-nya, membuat Rumah dalam Rumah Semenda-nya dan lain2 lagi.

Berkenaan saka baka beneh bakal menyandang satu2 jawatan itu hendak-lah berseh tidak ada yang akan perbilanga-nya, satu di-beri dua di-ambil, pelesit dua sa-kampong dan anau sabatang dua sigai dan kesalahan dalam ugama umpama murtad, china buta dan ambil upah talak tiga dan juga kesalahan jenayah. Kelayakkan yang di-kehendakki ha-nya-lah beneh yang baik di-tanam pada tanah yang baik layak-lah menyandang pesaka.